

Fundargerð

86. fundur í Safna- og menningarmálanefnd

Fimmtudaginn 15.01.2014 kl 17:00 haldinn í Ráðhúsinu.

Mættir voru: Bjarki Hjörleifsson sem ritar fundargerð, Dagbjört Höskuldsdóttir, Ingibjörg H. Ágústsdóttir, Ragnheiður Valdimarsdóttir, Ægir Jóhannsson.

Formaður setti fundinn og bauð fundarmenn velkomna.

Efni fundar:

- 1) Erindi frá Bjarka Sveinbjarnarsyni forstöðumanni Tónlistarsafns Íslands í Kópavogi.
- 2) Erindi farandsýning um Kvenréttindi í Stykkishólmi í febrúar? (sjá nánar í viðhengi). Málþing í tengslum við sýningu ?
- 3) Hugmynd um opin fund um Safna og menningarmál.
- 4) Fyrirlestur frá Safnahúsi Borgarfjarðar (Guðrún Jónsdóttir forstöðumaður). Menningarstefna – fyrirkomulag.
- 5) Önnur mál.

Helst var rætt:

- 1) Nefndin tekur enga afstöðu til fjárútláta Stykkishólmsbæjar en leggur til að Bjarka Sveinbjarnarsyni verði veittur aðgangur að íbúð í kjallara Vatnasafnsins og mögulega fæði á dvalarheimilinu. Málið mældist annars vel fyrir.
- 2) Nefndarmeðlimir voru ósáttir við tímaþröng en erindið barst í Október en af ókunnum orsökum barst erindið ekki í réttar hendur fyrr en núna. Nefndarformanni falið að afla frekari upplýsinga um verkefnið og framkvæmd þess. Nefnd sátt við að leggja til íþróttamiðstöðina undir sýninguna fáist til þess leyfi. Nefnd var hrifin af hugmyndinni en upplýsingar vantaði til þess að geta klárað umræðuna.
- 3) Formaður lagði fram hugmynd að opnum fundi um safna og menningarmál, rætt var að fá Guðrúnu Jónsdóttir, forstöðumann Safnahúss Borgarfjarðar til þess að leiða fundinn og að honum loknum leiða umræður til þess að varpa ljósi á hvað heimamenn vilja fyrst og fremst leggja áherslu á í menningarmálum.
- 4) Tillaga Guðrúnar Jónsdóttur, forstöðumanns Safnahúss Borgarfjarðar um að halda fyrirlestur um fyrirkomulag menningarstefnu Borgarness var rædd. Í kjölfar fyrirlesturs hennar yrðu umræður um menningarmál í Stykkishólmi á opnum vettvangi, sjá tillögu að opnum fundi hér að ofan.
- 5) Tilkygning frá formanni nefndar, Ragnheiði um birtingarrétt ljósmynda í kjölfar umræðu síðasta fundar. Ragnheiður sóttist eftir svörum hjá Ingu Láru Baldvinsdóttur við Þjóðminjasafn Íslands, svar Ingu Láru var á eftirfarandi vegu: “Samkvæmt lögum

eru myndir í höfundarrétti í 70 ár frá dánarári ljósmyndarans ef myndin telst listræn en í þeim tilvikum þar sem ljósmyndun er ekki listaverk er hún í höfundarrétti í 50 ár frá tökudegi. Kjarni myndanna í safni Jóhanns Rafnssonar er gamall. Reikna með að fæst af því sé lengur í höfundarrétti. Varðandi mun á einkasafni og safni þá er hann í raun enginn. Einstaklingar ákveða að gefa myndir til safns og þá hefur safnið ráðstöfunarrétt yfir þeim.”

Rætt var um Snjósleðasafn Kristjáns Auðunssonar – merkilegt safn sem gaman væri að gefa meira gildi.

Bjarki Hjörleifsson lagði til að nefndin skilgreindi hlutverk sitt betur þar sem að menning er mjög víðtækt hugtak, með því að skilgreina hlutverk sitt betur gæti nefndin orðið skilvirkari og afkastameiri.

Nefndin ræddi mikilvægi þess að að efla og nýta betur þá menningu sem í boði er í heimbyggð og að hólmarar fengju hennar sem best notið.

Ljósmyndir úr fórum Hinriks Finnssonar og St. Franciscu-systra voru ræddar sem möguleg viðbót við Ljósmyndasafnið (Ljósmyndasafn stykkishólms?). Einnig var ræddur sá möguleiki hvort sækja mætti fé í sjóði til að fara í skráningu á ljósmyndunum.

Einnig var rætt var um aðkomu sjálfboðaliða í tengslum við menningarmál og hvort hægt væri að koma á laggirnar hópi fólks sem vildi taka að sér slíka vinnu.

Allar hugmyndir mældust vel fyrir.

Fundi slitið kl 18:25

Bjarki Hjörleifsson